

Visoki predstavnik imenovao članove Ustavne komisije Federacije BiH iz reda hrvatskog naroda

Visoki predstavnik, Wolfgang Petritsch, je u četvrtak imenovao gospodina Iliju Simica, predsjedavajući Doma naroda BiH i predsjednika Hrvatske seljačke stranke (HSS) i gospodina Ivana Plejica, člana Hrvatske narodne zajednice (HNZ), iz reda hrvatskog naroda na dva upraznjena mjesta u članstvu Ustavne komisije Federacije BiH.

Visoki predstavnik je prethodno ponudio HDZ-u da na ta dva mjesta imenuje svoje predstavnike. Uprkos svim apelima HDZ-u, kao i pismu koje je Visoki predstavnik toj stranci uputio 23. marta, HDZ je odbio da imenuje kandidate u Ustavnu komisiju. Time je HDZ odbacio historijsku sansu da se uključi u proces ustavnih reformi, te da doprinese osiguravanju prava hrvatskog naroda u budućem institucionalnom okviru Federacije Bosne i Hercegovine. Visoki predstavnik se pribojava da HDZ nema namjeru da ispuni vlastitu odgovornost prema svojim biračima i da je krenuo pravcem koji, ukoliko se bude slijedio, hrvatski narod može odvesti samo u izolaciju.

Visoki predstavnik gospodi Simicu i Plejicu želi puno uspjeha na njihovim novim odgovornim pozicijama. Uvjeren je da će oni u potpunosti zastupati interese hrvatskog naroda u procesu ustavne reforme u Federaciji, s ciljem izmjena i dopuna Ustava Federacije u skladu sa Odlukom Ustavnog suda o konstitutivnosti sva tri bh. naroda u oba entiteta.

Visoki predstavnik je upoznat sa dosadašnjim radom Ustavnih komisija u oba entiteta. On očekuje da će prijedlozi u izradi Komisija biti finalizirani u nekoliko narednih sedmica i da će

potom biti dostavljeni entitetskim parlamentima na usvajanje.

Proces ustavne reforme u oba entiteta ima ogroman znacaj za razvoj Bosne i Hercegovine kao demokratske drzave u kojoj ce, u oba njena entiteta, biti zasticena prava svih njenih konstitutivnih naroda i gradjana.